

Jedan primjer

Bh. političari nisu razumjeli strah povratnika od novog zakona o porezima na nekretnine u RS i ako se niko od bošnjačkih predstavnika ozbiljnije ne pozabavi time, u narednih nekoliko godina većina bošnjačke zemlje pripast će manjem bh. entitetu, ponovio je za "Dnevni avaz" Lutvo Šukalo, predsjedavajući Skupštine općine Foca, reagirajući na stavove potpredsjednika Narodne skupštine RS Šefketa Hafizovica i šefa Kluba poslanika SDA-SDP-a u toj skupštini Ramiza Salkica o odredbama ovog zakona.

Slučaj Kumro

Šukalo istice da vlasnici imovine u RS shvataju obavezu njenog prijavljivanja i napominje da novčane kazne, ako se to ne učini, i nisu toliko problem.

No, problem predstavlja činjenica da je većina Bošnjaka i Hrvata protjerana iz RS, veliki broj njih je u inozemstvu, a još veći neće moći podnijeti nove namete, pa će, zbog neizmirenih obaveza, sudovi postepeno prodavati njihovu imovinu.

A kako radi sudstvo u RS, posebno u Foci, povratnici su se uvjerali prije nekoliko godina kada je porodica Kumro ostala bez krova nad glavom. Tada je Općina, bez saglasnosti vlasnika, u devastiranu kucu uselila covjeka koji ju je djelimicno sanirao koristeći polovni materijal s tuđih domova. Nakon što je imovina vraćena u posjed porodice Kumro, privremeni korisnik podnio je tužbu, a vještacenjem je utvrđeno da je visina njegovih "ulaganja" 8.000 maraka.

Umjesto da dobije oštetu za uništenu kucu ili bar da joj se plati kirija, Suada Kumro ostala je bez doma, jer ga je Osnovni sud u Foci odlucio prodati kako bi namirio ratnog stanara, koji je nakon sudske licitacije postao i vlasnik te kuce.

Parcele u Kopacima

- Šta onda očekivati sada osim da sud oduzima nekretnine. Tu ne treba mnogo pametovati - upozorava Šukalo.

Od novog zakona strahuju i Bošnjaci iz Novog Goražda, a posebno vlasnici poljoprivrednih parcela u Kopacima.

- Ljudi koji ne budu u stanju obradivati svoju zemlju ili će je prodati ili će im ona biti oduzeta. Novi udar na Bošnjake u RS vrlo je moguć, i možda bi najbolje rješenje bilo da to bude regulisano na nivou države, kako bi za sve bilo isto - kaže Fuad Mašić, predsjednik Skupštine općine Novo Goražde.

Kada dobiju grunt, ne treba im referendum

- U bivšoj Jugoslaviji također se plaćao porez, a ko nije mogao platiti, poklanjao je imanje državi. Ovdje nije sporno pokloniti imanje državi BiH, ali je problem što imanje treba pokloniti jednom entitetu i time dobivate etnicki cistu teritoriju, dobivate grunt. Za RS je najvažnije da dobije grunt i onda je završena prica. Više vam ne treba referendum - istice Šukalo.